



Bájkkeavijssa NuorttaSálto

Subtsastin LOSA- skávllábiejve birra

Tæksta: Kitty Skapalen
Järggálibme: Divte Media AS

Knut Hamsun joarkka-skávlá Losa-oahppe, Ájluovta ássudagán juohkin diedoht 9. ja 10. klássagijda Ájluovtan sijá skávllábiejve birra.

LOSA merkaj Bájkálasj Áhpadasfálaldahka Aktisasjburgojn Barggoiellemijn, ja le áhpadas nehta baktu duodden hárrjiddallamijda bájkálasj barggoiellemin. Fálaldahka ásaduváj vaj nuora rabddasuohkanijn galggi máhttelisvuodav oadtjot vuostasj joarkkaskávlájagev ietjas sijddasuohkanin vádtset. Knut Hamsun joarkkaskávlán li ássudagá sihke Hábmerin, Stájgon ja Ájluovtan. Dát le jahkásasj skávllá-fálaldahka dajda gudi viddnofálasj áhpadasáv válljiji. Áhpadibme le juogedum aktisasjágaj, prógrammafágaj ja barggohárrjánime gaskan

Næhttaáhpaddidje

Áhpadasfálaldagán le digitálasaj áhpadasarena gánná juohkka fága/prográmmafága fáhkaássje (tevsta, jiena, gávva, ja nav vijdábut) sadjihij biejaduvvi. Næhttaáhpaddidje Saltdalen ja Lofáhtan oahppijt bagádalli ja áhpadi.

- Dát le ham buorre, javllá akta Losa-oahppijs, gá gatjádip jus soaptsu áhpadimijn dákkir vuogij.

- Báddistip ham goassa sihtap, ja jus juojddá usjudaláv de máhtáv næhttaáhpaddidjijn nehta jali sms'a baktu guládallat. Oadtjop diedov ájge bále jus áhpaddidje le ierit avta biejve. Duodden prógrammafágajda oahppe bájkálasj vidnudagájn praktihkalasj áhpadimev oadtju, tjoahkken birrusin 15 vahko juohkka skávllájage.

- Mån fáert nuppe vahko gálmmá biejve bargav, javllá Preben Labba, guhti tehnikkalasj ja industiell buvtadimev vádtsá. Dasi gulluji állo divudakbargo. Sån hárrjánimev oadtju virgij baktu sihke Ájluovtan ja Hábmerin, ja gá galggá barggohárrjiddallamijda de bussav tjuovvu barggosadjáj.

LOSA oahppijláhko hiebaduvvá bájkálasj vidnudagáj barggohárrjiddallam lágo milta. - Jus moattes sáemmi prógrammafágav válljiji, de hálvva li hásstalusá gá galggap hárrjiddallamsajijt juohkkahattjaj gávnnat. Valla dán rádjáj guovlo vidnudagá li mávtugit oahppijda barggohárrjánimev vaddám, rámppu Atle Mathisen, guhti le bájkálasj bagádalle ja koordinator Ájluovta



LÆRER og elever. Preben Labba, Frida Urheim, Anne Line Jensen og Monica Krogh. Bak avdelingsleder Atle Mathisen

ássudagán.

- Dijmásj oahppijguoradallama milta skávlán, vuojnijma oahppe sávvín árabut ja ienep diedov ja dan diehti lip aj 9. klássagijt mařen válldám vaj bessi Losa-oahppijs diedoht oadtjot, javllá Ájluovta skávlá rádediddje, Gunn Furuhaugen.

8 oahppe

Dá jage li tjoahkkáj gáktsa oahppe Ájluovtan ássudagá ma elektrofágav, tehnikkalasj ja industrialasj buvtadimev (divudahka) ja varresvuoda ja sosiálfágav vádtsi. Jus dákkir fálaldagáv válljiji de 16-jagága bessi stádaj jáhttámis, ja navti ietjas ja fámlja gálojt unnedi, duodden máhtti ájn avtav jagev gárveduvvat ávddál sijdas jáhttáji.

Bájkálasj bagádalle ja koordinator Ájluovtan, Atle Mathisen gehtjat vaj tehnikkalasj vædtsaga doajmmi, duodden duoyna dájna barggodahkamusájn barggá. - Gehtjav vaj oahppe ájggemierijt tjuovvu ja næhttaskávláj ja vidnudagáj guládaláv. Vidnudagá li riek mávtugit oahppijt duostum, valla hásstalusá li diedon gá miján li 3-4 oahppe sáemmi prógrammafágan ma galggi barggohárrjánimev oadtjot, javllá sån.

Sihke áhpadusspesialiserim ja vidnofálasj áhpadasprógramman LOSAn fáladuvvá. Áhpadusspesialiserim ja biggim ja

ásadustehnikka dássju oajvveskávlán Hábmerin fáladuvvá, madi hábbmim ja duodje, elektrofáhka, varresvuoda ja sosiálfáhka, luonndobarggo, resturant ja

biebbmofáhka, dievnastus ja jáhtulahka, tehnikkalasj ja industrialasj buvtadibme Stájgo ja Ájluovta ássudagájn fáladuvvi.

